

LATIHAN PEMAHAMAN PETIKAN

Baca bahan-bahan yang diberikan dengan teliti.

Bahan 1

Malaysia yang kupuja
Di desa juga di kota
Mari nikmati semua
Cuti-cuti Malaysia

Cuti-cuti Malaysia
Cuti rakan sekerja
Murid-murid ikut semua
Cuti dalam negara

Cuti-cuti Malaysia
Cuti sihatkan diri
Meningkat produktiviti
Semua ada di sini

Marilah bergembira
Cuti rehatkan minda
Semuanya kita ada
Malaysia mempesona
(Petikan lagu Cuti-cuti Malaysia
[sumber rujuk lampiran])

Bahan 3

Oh, sudah
tentu boleh!

Boleh tunjukkan
saya tempat ini?



Bahan 2

Logo Kempen Melawat Malaysia 2020 merupakan sebahagian daripada usaha pemasaran dan promosi pelancongan Malaysia. Logo yang dicipta oleh Alfred Phua Hong Fook ini menampilkan beberapa ikon yang sinonim dengan Malaysia seperti burung kenyalang, bunga raya, pakis liar dan warna-warna Jalur Gemilang.

Logo ini juga melambangkan kepelbagaian budaya, warisan, flora dan fauna Malaysia di samping pengalaman yang ditawarkan sebagai sebuah destinasi percutian.



Isikan tempat kosong dengan jawapan yang diberikan di bawah.

warisan

merehatkan minda

destinasi

sikap rakyat

mempesonakan

produktiviti

pengangkutan

pengalaman

1. Berdasarkan bahan 1, apakah manfaat bercuti?

Jawapan

Manfaat bercuti kita dapat menyihatkan diri sekali gus _____
bekerja akan meningkat. Seterusnya kita dapat _____
dengan bercuti di tempat indah.

2. Berdasarkan bahan 1 dan 2, nyatakan kelebihan Malaysia sebagai destinasi pelancongan.

Jawapan

Kelebihan Malaysia sebagai destinasi pelancongan ialah Malaysia mempunyai banyak tempat yang _____ sama ada di kota atau di desa. Selain itu, Malaysia memiliki kepelbagaian budaya, _____, flora, dan fauna disamping _____ yang ditawarkan sebagai destinasi pelancongan.

3. Bahan 3 menunjukkan perbualan antara pelancong asing dengan penduduk tempatan. Pada pendapat anda, mengapakah pelancong asing memilih Malaysia sebagai destinasi pelancongan mereka?

Jawapan

Pada pendapat saya, pelancong asing memilih Malaysia sebagai destinasi pelancongan mereka kerana _____ Malaysia yang ramah dan sopan menyebabkan mereka selesa melancong di sini. Selain itu, sistem perhubungan dan _____ yang moden serta mudah didapati menyebabkan mereka mudah untuk pergi ke mana-mana _____ pelancongan di Malaysia.